



Sabtu, 20 Juli 2024
Ogen: Lukas 10:38



NGALO-NGALO JESUS



Ngalo-ngalo e me biak si metemue, biak sibagenda me iperlukan i bas dahin Berita Si Meriah. Biak-biak sibagenda me si ndukung pelayanen Jesus, nterem kalak ngalo-ngalo IA, i kuta, kota janah i rumahna. Janah enda me benih Berita Si Meriah i bas paksa e, seh asa genduari banci si idah kuga nterem kalak ntah pe jabu si metemue i bas dahin pebelangken Berita Si Meriah. La erndobahen, erpilihien ise pe si terbuka pusuhna jadi alat Dibata nehi sura-sura ras karyaNa i doni enda.

Bagenda me ituriken kerna sekalak diberu si tergelar Marta, i bas renungen sope si enda enggo ituriken kerna dirina, seninana Maria dengen turangna gelarna Lasarus. Janah paksa enda ateta ngidah dengen nggargari biakna. Salah sada eme metemue, ialo-alona Jesus i rumahna, la saja pintun rumahna si terbuka tapi pusuhna si terbuka nandangi dahin Berita Si Meriah. Ia pe banci ikataken ajar-ajar Jesus, biak dengen geluhna banci jadi usihen. Metemue ras ngalo-ngalo jadi sada kata kunci si penting i bas pelayanen Berita Si Meriah. Marta enda salah sada i bas diberu si ngikut Jesus si tutus, berintegritas dengen melala atena ibahanna i bas ngelai Jesus rikut ras timna. Perukuren si bagenda e me perkuren si ersura-sura mereken si mehulina man kalak sideban e me kalak si erdahin dengen berkarya guna kiniulin kegeluhen enda. Ngalo-ngalo Jesus berarti terbuka nandangi kerina si mehuli nandangi doni enda. La saja keterkelinen man diri jine tapi pe nandangi kalak sideban. Terbuka nandangi rancangan simehuli man kalak sideban. Moria iajuk i bas konteks enda ngumban biak ras perbahanen si Marta. Metemue min kita ngaloken nandangi Berita Si Meriah janah si ajuk min kalak sideban gelah metemue alu ertedeh ate nandangi Berita Si Meriah.